



皇明風雅卷之三

五言古詩四十一首

送方希直遊學金華

許繼



良會古所惜光景不可留故人今有行出門復悠悠
晨鷄號遠陌行色滿道周惻愴意莫宣慷慨義難酬
願言力占訓所貴德業優千里從明師豈徒事遠遊
川原渺何極仰止在山丘余生學苦晚賢哲忍我充
願之馳騁力重增離別憂遙遙金華道逸軌邈難儔
瞻望兩相失從君去無由願為東南風吹上八詠樓
願為雲端月照彼雙溪流君情諒不違我心復何求

覽鏡詞

周玄

嬌女自憐色冶容對青鸞如何春花歇覽鏡自長嘆
舊質委秋艸芳情變衰蘭終焉重膏沐不及承恩懽
顧影誤相托照心徒自寒白頭歌古調五起摧心肝

閒居感懷六首

方孝孺

鳴鳩知天雨乾鵲知天風蟋蟀最無知亦悲年運窮
云何當世士憤憤溫飽中疾痼如波濤浮沉淒所終
鳳隨天風下暮息梧桐枝群鷓得腐鼠咲汝長苦飢
舉頭望八荒默與千秋期一飽亮易得所存終不移
乘時功易立處下事少成君看蕭曹材豈若魯諸生

賢豪志大業舉措流俗驚循循刀筆間固足為公卿
賢有四海志家無一金贊言高力不足舉世皆笑之
不如富俠子錢刀散孤嫠閭閻稱行義非非名聲垂
我非今世人空懷今世憂所憂諒無他慨想禹九州
商君以為秦周公以為周哀哉萬年後誰為斯民謀
池魚不知海越鳥不知燕蚯蚓霸一穴神龍輕九天
小大萬相殊豈惟物性然君子勿嘆息彼誠可哀憐

次王仲縉感懷韻

東京多節上我懷管幼安騰身風塵表寵祿寧肯干
子魚不相諒高位屢超遷腐鼠欲見污聞之媿心顏

皜皜由夷姿迥出兩漢前彼哉阿世者變滅同飛烟
榮華神所戲貧賤節斯完此道匪難知胡人為不然

次鄭好義見貽韻三首

赤驥困皂櫪垂頭避駑駘王良振長轡蹴踏風雲開
古來功名際何代無竒才當其未遇時誰免蒙塵埃
丈夫亮有命勿使心顏頹

少時見白日意謂手可扳仰天邈無階狂走徒顛顛
尺繩愧深汲寸管無全斑聖途千萬里用力恒苦艱
安得驟飛龍倏爾升天關

山中一尊酒慰此離別腸清夜步廣庭大星吐寒芒
向來召竒氣舉目空四方栖遲盛年至留滯天南荒
君看升帝閑不必真乘黃

寓言

周是脩

陰陽分晝夜輪運浩無窮時物更代謝孰知玄化工
人生如夢寐即寤未成空幽觀衰榮朕往復邁旋蓬
鄙夫昧達識眇然隨所終賢豪關世運用舍合中庸
進由吾大道退厲吾清風載歌紫芝曲不愧商山翁
擬曹子建五遊篇題會稽童氏永壽堂

劉績

俯仰隘九州思欲凌風翔詎知蓬萊居宛在東海傍

流輝敞閨室倒影籠虛房方扉蔭弱木園樞結搏桑
爰有兩仙人伉儷坐中央被以青霓衣襲以絳霞裳
揚眉粲玉色咲語芝蘭香九天降靈氣萬象藹春陽
蟠桃灼其花珠樹弄其芳初疑鬱霄館復似太微堂
金童劇西偏玉女戲東廂左持白麟脯右挹玄露漿
奏以養生篇侑以却老方永延金石壽天地同其長

去婦詞

去婦兩眼淚為君滴平生一滴致妾意再滴感君情
三滴眼欲枯血點淋香纓不滴堂前花死株有時榮
不滴堦畔草苦心展芳萌請滴橋下水長煎嗚咽聲

和谷子孟熙見寄之作

唐愚夫

少小承家學荏苒閱三紀譬之田舍兒所習惟耒耜
力耕不逢年餒也亦足耻朝英既已萎夕秀曷可恃
忽枉同志人妍辭寄深旨迂踈農圃襟繁縟儀文美
龍章方炳炳綫緒又疊疊愛重覆致憎譽深或來毀
得無采三秀而乃混菘菘不然驟黃駕亦許駑駘齒
展誦累宿昔反照悲復喜性命誠在已富貴若風靡
達生固通人俟命則君子為山由簣升斲車自輪始
勉矣期共臻報德愧無侶

貽孟熙

張經

種玉豈無山煉丹亦有術所貴謹操履用志在刪述
旁門眩竒說捷徑起理域荷蕢咲孔丘螢光掩天日
孤鳳翔無鄰群鷄聚爭食我歌倚蘭操和爾筵上瑟


古風六首

王誼

妾家東城隅高門瞰中達玲瓏結綺䟽參差雕玉題
旭日麗芳藻光風泛羅帷春花媚妍質徘徊處中閨
調絃拂織指哀響流輕颺聲悲節自促曲度雲行遲
妍情託琴瑟中曲正逶迤悵望知音遠華容非故時
中宵苦無寐攝衣起徘徊明月皎素光照我單羅帷
良人久于役山川杳無涯梧桐被秋露密葉凋華滋

絃琴奏鳴商曲度餘音希中含萬古情寂寞當告誰
明月生海底輝光燭重淵豈特照乘車價直黃金千
自我得此物藏之已多年豈不遺所思按劔無由前
逝矣鄒陽子寂寞其棄捐

太華何嶽峯綠雲陟其顛烏兔前蹠躑縱覽周八埏
從峯猶蟻垤萬彙紛濛然掇彼璫瑤英挹此清泠泉
披灑汗漫襟拂衣起翩躚逝隨長風舉直入通明天
獻玉無良媒漂淪寡懽豫壯齡已非昔馳暉日西鷺
嘉木無榮柯脩條亦成故一感式微吟吁嗟在中路
嵯峨會稽山東截海濤碧松栢無冬春千歲淪琥珀



原件短缺

中有煉藥士丹砂固精魄要我與之俱遨遊入無極
奮衣欲邁征浩蕩雲海隔悠悠紫霞想未遂諧宿昔
皓首乖願言臨風起悽惻

送許介石先生

林毓

出門送夫君信知離別苦窮居天一涯浩懷誰共吐
念昔傾蓋初開口見肝腑誓將掃石牀共卧松蘿雨
風雲忽西來去若黃鵠舉幽期不果諧玉樹何時覩
飲餞出芳林青陽滿寰宇雲鴻逝冥冥遊魚在江渚
相思幸寄書在遠當自樹

期楊士奇不至

曾閻

羈旅無友生何以慰懷思有客筮適我芳晨以為期
深叢鳥雀喧窮巷牛羊歸相候清路傍冠珮來何遲
我有既云具我酒日以醺雖無德與汝寫心良在茲
子寧不我即佇望增歎欷仰觀列宿中羨此明月輝
今德衆所慕彼留知為誰諒無好賢誠空負緇衣詩

弔余忠宣公二首

劉季篔

荆襄翳氛侵赤子罹荆殘孤城逾七載北望阻河關
無由哭秦庭徒然函賀蘭大事已至此處之良為難
丈夫既許國節義重丘山墮身豈不惜偷生亦何顏
睢陽昔遭患抗節聞張巡智力固有盡孤忠良獨存

余公值板蕩城守惟孤軍區區仗忠義而乃成奇勲
殺身諒非易所貴酬主恩大節旣已立成敗奚足論

述古

胡儼

圖書出河洛羲禹闡幽玄列聖繼有作人文日昭宣
仲尼感鳳鳥至理寓微言自從秦漢來但見枝葉繁
寥寥千載後濓洛探其源紫陽具條理垂裕啓後昆
前脩去已遠來哲未有聞塊辭逞葩艷寧復歸本根

題吳山伍子胥廟

此篇又見
王虛舟集

解縉

朝驅下越坂夕飯當吳門停車吊古跡靄靄林烟昏
青山海上来勢若游龍奔星臨斗牛域氣與東南吞

去去勿復道相期霄漢長

君子行

君子勵苦節怕在造次間造次苟不念履霜成冰堅
邪蒿豈不美惡木豈不繁雖勞亦不息雖飢亦不餐
顧此風尚乖濁涇溷清瀾勝毋里不入朝歌邑還轉
往哲有明戒君子防未然

長安有狹斜

長安有狹斜車馬相馳驅被服紈纈素賓從間且都
金章何煌煌旄節照四衢借問從何來云自許史廬
炙手手可熱炎涼在吹噓豈無範驅子亦有步矩儒

皇明風雅卷三
九
一身困蓬藜終歲空躡屨秉躬信如矢不悟世道迂
在昔弦與鈎封侯死道隅寧知此狹斜徑捷良可趨
微生頗有尚夙志誓不渝念無此容顏策蹇旋吾車

置酒高堂上

置酒高堂上豐厨出鮮肥廣筵羅衆賓清尊間蛾眉
羽觴若流星絲竹清且悲陽阿屢迴雪結楚超蘭倚
晝盡繼以燭取樂良未涯流連豈不荒所慎白日移
一朝委山丘琴瑟將奚為嗟彼蟋蟀詩毋為世所嗤

車遥遥

車輪何遥遥西上長安道不見車上塵空悲道傍草

君行日已遠恩愛難自保憂來當何如一夕夢顛倒
豈無中山酒一浣我懷抱但恐三春花顏色不再好
車聲何粼粼風吹馬蹄塵願隨馬蹄塵飛逐君車輪

皇明風雅卷之四

五言古詩三十七首

冬日扈從還南京隨駕出殿正門馬上作

曾榮

朝隨六龍駕遠別黃金臺萬乘出都門旭日淨浮埃
翠華正飛揚迤邐從天回羽林羅猛士夾道馳雲雷
回首望玉京城闕何壯哉海水向東流西山鬱崔嵬
上有五色雲垂輝映蓬萊壯遊愜周覽欲去仍遲迴
策馬天仗間宿昔長追陪古來詞翰臣豈但鄒與枚
至今百世下聲譽揚九垓

三月二日舟次開河同胡祭酒鄒侍講登岸
散步長林曠野桑麻翳然因至田家各賦一
詩而去

芳晨藹新霽弭楫長河曲
瞻茲丘園趣褰裳涉平陸
郊原渺空曠竚望舒遠目
村中夜來雨土脉高且沃
茆廬鷄犬靜日出烟樹綠
牛羊散平野隔水見樵牧
麥深雉初雒桑柔蚕已浴
老翁多懽顏生事亦云足
偶茲一留憇幽境愜所欲
僕夫戒前征迤邐出林麓
緬想塵外踪於焉恣遊矚

雜詩

鉅都信佳麗甲第連高雲
九衢若流水飛蓋馳雕輪
日出市聲動百貨列奇珍
絲管喧晝夜餘響四邊聞
婦女絕世無艷色嬌青春
穠粧馬上笑茜羅繡衣裙
青樓臨路側珠帳疊錦茵
揚眉發皓齒吐氣若蘭芬
所懽諧夙願燕婉情相親
不惜金尊盡惟憂白日曛
娛樂豈有極秉燭恒達晨
戚戚里中女效顰良苦辛

襟詩三首

王英

庭中多嘉木枝葉相蔽虧
上有雙飛鳥朝出莫還歸
和鳴相顧盼乳哺得所依
如何遠遊子泛泛東復西
昨來京洛間今赴北海涯
迢迢歷崇坂車輪行且遲

皇明風雅卷四
垂堂古所戒寧不悲路岐私懷涼勿念但悲歲月馳
顧此三嘆息良會在何時

秋月流光彩照我西南園露華含餘滋衆草萋以繁
草間多鳴蛩竟夕何喧喧閨中有佳人俛默獨無言
豈不興遠懷念彼君子思昨朝相燕婉今者隔塞垣
飛鴻失其侶噉噉徒高騫碩盼失形影中心誓弗諉
願如團團月照君車上轅

清晨登高立迢遙望郊郭連山起層薨焜燿皆丹臚
歌吹一何繁車馬日聯絡翩翩遊俠兒姿態紛綽約
輕裘巧粧束珠貝相間錯侈心儼金張壯志凌衛霍

豈知幽閨中居者恒寂寞掩形無完衣充饑有藜藿
貞心一自厲容色日銷落塊然獨囁囁甘為衆所薄

乘化室為晏僉事彥文賦

李時勉

蟄虫坯戶隙寒雀入海底不見煉丹砂安得長不死
榮榮陌上花飄忽隨流水浮雲知所歸飛蓬逐風起
吾生亦何為乘化如脫屣愧彼孟嘗君空悲雍門子

張節婦

李昌祺

昔與君結髮綢繆百年期奈何屆中道而有死別離
相從固云易九殞分所宜殘喘匪自惜呱呱誰抱持
姆氏夙有訓敢或違天彝明明夫子魂泉下諒有知

少為張家婦老作張家婆先姑炳遺烈誓欲與等夷
他年樹雙表大字旌門楣

題雙燕圖寄表弟陳安行

君家陰溪北我家郡城西君家梁間燕我家梁間棲
我從出鎮來寒暑又三變不見故鄉春惟見故鄉燕
挈家吉城邊寓家汴河湄燕識主人心相隨不相離
念君千里隔見君幾時得欲令燕啣書飛歸到君側
君能弗吾葉為理白雲庄願言共君老看燕雙飛翔

艷歌行

王直

翩翩春歸鴈秋至復來翔如何遠遊子兄弟各異方

山川何迢迢參辰夜相望寒風日以厲誰與縫衣裳
衣裳無與縫零露結為霜空林悄無人但見明月光
徘徊不能寐徙倚臨中堂睠彼南飛翼異故鄉安可忘

遠期篇送蕭布政歸河南

遠期千里客驅車過大梁清晨出都門被服麗且光
賓友共追餞開筵列華觴徘徊寫心曲執手臨路傍
中州界河洛城邑迤相望赫赫聳具瞻明明示周行
惟昔有召公布政洽周邦當春舍樹下仁澤沛汪洋
蚩蚩被衆氓愛伯斯愛棠興言勿剪伐清風播無疆
君子務令德古道茲未亡還希踵前迹百世留遺芳

芳樹篇

芳樹在中園擢秀亦可奇下有百尺根上有千歲枝
濯濯沐膏露泠泠透涼颼葉蕃紛旖旎花密粲歲穉
行人得所庇歸鳥安其栖君子澤萬物垂蔭諒如斯
興言勿剪伐相愛出中懷化機浩蕪停榮悴各有時
願此凌霜節亭亭終不移

見黃淮少保三首

應祥

盛世天所助生此王佐才道德著明効國本益以培
四海永寧謚豈曰資消埃向來諸國老論功乃其魁
從容萬機暇師保日講陪宰宙百年內禮樂尙盛哉

台鴈本隣壤草木同昭回聞風起嘆慕誰其卧蒿萊
天道有常運成功詎無已誰能參化機履盛貴知止
筮仕得明君千載同魚水擎天力已任取日功可擬
道德重師保恩榮兼父子眷委日方隆引年何遽尔
介石有明訓動息存至理東南釣遊地清風播蘭芷
空山有畸人家世業詩書齒髮日益衰所得僅緒餘
好古不自量臨文每嗟吁漢唐日以降作者稱歐蘇
名公間世英壯歲遊石渠吐論補殘經飭轅戒虛車
饒夫過屠門大嚼意方舒斯言可以喻我行勿次且
羅知州之交耻分韻得北字

魯鶴齡

惆悵杯酒間踟躕路側邇別情所難况君遠行客
行客適何許南交乃絕域山川阻且脩匹馬獨登陟
丈夫四海志萬里猶只尺辛苦諒不辭所思在明德
俯視川從東仰睇星拱北還朝會有期側佇聽消息
鄒知州致事

飛飛雲間翮日夕投高林皤皤宦遊士莫景遄相侵
豈不戀明時少攄分寸心秋風吹短髮已不勝華簪
拜辭出金門踟步還沉吟

古東門行送別金彥楨二首

張洪

僕夫顧我悲轅馬踟不行古來離別地青草不復生

居人攀桃李悵望難為情流塵起阡陌遠樹花冥冥
莫向秦東亭唱此東門行土中有死骨聞之復心驚
會茶莫言苦飲醯莫言酸世間萬事易惟有離別難
既辭還執袂臨行復據鞍對面相寬解回頭涕已瀾
人生誰非客何獨此哀歎但令長壽考相報各平安

澹齋

金誠

端居探元化因物窮至情智者取其實薄俗徒徇名
玄酒本忘味太音亦希聲冲和養天性得之良足矜
繁華豈不貴倏忽秋露零寄心向冥漠永以全堅貞

寓懷二首

羅周

為山在終蕢鑿井湏及泉弱齡昧所適中道遂棄捐
窮廬耻衰朽肝腸日憂煎我思古達人亦以文辭宣
不聆南山歌誰知甯戚賢
有兔正爰爰雉乃罹于羅福善與禍淫此理今則耶
醇風日澆漓笑談生矛戈陸行畏巉岩水往多風波
兀坐若無覺秋風振庭柯

感遇和陳伯玉韻三首

張楷

君子重道義所貴在情真如何翻覆子相顧若塗人
范睢結湏賈自謂得所因謹言誓生死愛比骨肉親
一朝啓唇吻拂袖竟歸秦君看糞上花不若蓬生麻

飄飄方外士高舉出塵氛託身溟滓外視世等浮雲
高歌狎仙侶長揖謝時君浮游三千界咀茹五千文
近見滄桑變遠知天地分相從豈不樂但恐非吾群
戰國多才士吾獨嘗荀生造端述刑書欲以息民爭
商君紹弓冶流毒遂亡嬴夫何燎原勢駸駸迨西京
向非高門子未免復縱橫唐虞世代遠仁義孰能行
小者肆刑戮大者窮甲兵朝歌屠比干汨羅沉獨醒
伯夷餓西山魯連蹈東溟四子今不來吾懷孰陳哉

李陵詠

李陵入匈奴自恃將家子眼空沙漠群氣弱天下士

轉戰駟懦兵貪功入深壘殺氣慘雲日笳鼓昏未已
決死鋒鏑間失身腥穢裏堂堂漢將軍夫豈穹廬侍
遠意欲有為偷生以含耻對案不能食殊方忍居此
霜寒胡鴈鳴雪凍白艸死迢遙望妻孥滅沒誰與理

送李十四山東遊

上書不得意長揖萬乘尊內自抱幽鬱非不念黎元
醉歌新豐市拂袖出關門出門見黃河豪氣若可吞
當權悅謏佞此志誰與論暮上北邙山泣弔陳死鬼
慨然辭上國安肯留外藩將尋鬼谷子遺世謝煩喧
偶遇河洛間一飲空幾尊大誓石季倫深卑金谷園
予亦異其志臨別贈此言

鏡湖丹室為周良醫仲方賦

劉師邵

浩浩鏡湖水東流接扶桑矯首望不極三山海中央
上有列仙侶樓居鬱相當若人從之遊鸞鶴參翱翔
授以養生訣示以金丹方後天可不老壽命凋三光
稽山孕靈秀爰茲構丹房鑿雲以為牖結霧以為梁
左控金虎伏右提蒼龍驤渴飲駐金液飢餐截松肪
丹成貯龍鼎五色爛輝煌鬼神不敢窺禁衛呵不祥
服食煉精魄身輕欲飛揚手握造化樞一舉超八荒
我願得此劑持之獻明堂上以延萬壽下以惠二殤

古風

蒲瑜

麒麟四靈長群獸孰敢當木精著文彩肉用仁且良
生草既不折生虫亦不傷在魯何成悲來周乃致祥
一去餘千載中原有豺狼

感寓五首

董軒

衆人恣懽譁志士恒苦憂所憂非一端不為衣食謀
吳忠累鴟革楚直沉湘流區區不識察心膂成仇讐
長城乃自壞千載將誰尤

相如賦大人曼語誇獨步飄飄氣凌雲時復中規度
雖云諷意深適足誨淫助不見霧縠奇乃是女工蠹

相馬必以輿相士必以居容取失子羽言取失
聖人察所安尚蔽驪黃餘况彼肉眼夫乃欲評錙銖
麟植巧外飾狗瓦同兒戲寄言姑布徒矣以骨相為
彼妹者誰子云是南國娃幽閑不踰節自幼本良家
蛾眉妬新月玉貌羞春花一朝入楚宮容色絕世誇
終焉鄭袖忌劓鼻空成嗟

老狐戴鬪髻夜拜北斗神綏綏曳長尾頃刻化為人
恠異固莫測妖術方日新高城窟深窟蟠結無與倫
望之不能灌憂憤填秋夢

懷魏冢宰老先生

道學喪已久民心因物遷聖賢不復作病俗何由痊
勛名競夸詐學術紛雕鏤坎蛙不知海孰障西流川
天生魏夫子力任斯道傳知周庶物表心契萬古前
文章周孔學事業臯夔賢從容出處間名與日月懸
青山賦歸來白雲當窓眠相思徒仰止日夕東南天

君子有所思行

張璩

騁駕向名都縱觀極西京煌煌九衢裏列第起朱甍
虹梁駕層漢翬閣凌紫清高槐蔭金溝弱柳垂雕楹
前揚許史鏹後曳金張旌燕姬撫瑤瑟趙女彈鳴箏
歡娛豈終極為樂擬千齡清川去悠悠白日光易頽
金谷嘆綠珠上蔡悲蒼鷹繁華會當歇大運有虧盈
勿嗤黔婁室寂寞掩柴荆

壯士篇

壯士三尺劍思欲從沛公項籍婦人仁不足與成功
乾坤動殺機慘淡鬪蛇龍縱觀天下勢形勝惟關中
據險臨諸侯孰敢當吾鋒古來豪傑士不識刀與弓
良平真壯夫籌畫在心曾樊灌鷹犬勞蕭何為發蹤
君看帷幄裏實有萬夫雄

皇明風雅卷之四

皇明風雅卷之五

五言古詩二十四首

畫雲鴻振羽圖題送陳掌教

張寧

東方有佳士文質何彬彬昔為待沾玉今備充廷珥
朗誦商周詩默會羲文神言詞夙華雅步履彌精純
初疑鹿鳴晚為感鴻飛循江干寡傳侶磐石多來賓
煇燦既云遠稻梁安足勤進止各有節險易常相因
絃琴古壇樹載藝清池芹膳茲十年來漸覺寒檀春
陵陸日已邁遠路日云臻祥雲動四表孤征戾中旻
奮逐鯤鵬風揚隨鸞鳳塵峨峨金闕樓溶溶玉河津

刷翎補干羽萬舞儀章新

題菊

草木已衰萎時菊方敷榮林空晚色淨日暮孤烟橫
仰蔭脩竹枝俯挹蒙泉清歲月忽復易採擷傷吾情
滄沱水合圖

人心久思漢帝王自有真多難啓弘業獨此邯鄲人
窮蹙白登園倉猝滄沱水河水縱不合光武亦不死

金蘭圖為朱天錫題

皇皇金蘭花託根在深谷靈雨浥華英光風汎幽馥
宣尼不并逢屈子退以邈同心絕音問媚語難此續

天寒霜露重月色滿脩竹

月桂圖

月中有奇樹百丈何龍璫歲年等蟠桃樹結扶桑同
下垂白玉苞上發黃金叢翹翹最高枝花色頽霞紅
我昔至其所願勝迷仙踪高攀不可及屈折聊相從
歸來抱餘馥氣韻經鴻蒙一登閭闔門再致崑崙崙峰
芬敷及朝槿斷謝隨秋蓬至今懷袖間歛縮心忡忡
有美青雲彥飛策凌虛空逍遙廣庭宴不于姮娥宮
含咀玉杵霜披拂纖阿風手持斫月斧氣吐經天虹
奮撥連根株五色俱收籠拔茅採葑菲類舉無遺功

願子即長路吾行已途窮

冰雪堂詩

妾心陰燻水終冷不復溫
妾身枯林木長臘不復春
冰天月如鏡雪谷霜霏銀
清寒諒吾分孤苦悲亡人
素可筠風木永懷

旱魚感風木立哭悲其親
哀哀千載下予復同茲辰
林木一何多天風一何疾
木是無情吹能令有情泣
風木有時息逝者無歸期
依微耳中響綢繆心內思
心思不暫緩歲月忽已遠
落葉下庭闈山荒夕陽晚

畫元章拜石圖附一詩

吾聞周人拜九辯各有則
空稽猶簡易振肅儀已極
禮達百不煩力致一可惜
蘇卿抗匈奴鄭眾厲絕域
亞夫辭介胄汲黯服長揖
生死矢不移寵辱安所恤
云胡後來者軟媚等儺劇
望塵伏林下不復論曲直
點以諂公卿愚以祈老佛
頽流逐靡風掃地盡古跡
元章夙竒蕩動止異俗習
強項難苟俛捫膝不輕屈
自從辭君親久不為是後
落落無為鄉寥寥不齊邑
伊誰與為禮見比孤立石
颯焉松風生隱只雲霧出
踞如猛虎化厲若老蛟
蟄彷彿入魯廟主我緘口客
又疑千秋亭翁仲失其一
終知混沌鑿倏忽委靈骨

忻然命袍笏雅拜情孔適物我了相忘恭傲胸無隙
清狂詎如許深意將有激全勝彼昏人僕僕賈危慝
但恐遠中庸行恠不可率

答李甥士常

岳正

李郎勲閔子被服作儒生年少膽氣粗俗尚鴻毛輕
平視裘馬豪橫突辭賦營前瞻聖賢域徐闖八九程
譬如堂堂陳勢莫敢與爭又如虎負嵎可避不可撻
况服聲利駕肯移跬步旌齊由尚功大魯以秉禮名
在忽故辭偶于涓事親迎道同千方合書組萬縷情
詎謂林下窮可館世上英臨風歌玉樹促刺魏冰清

送陳朝用進士

楊璿

南國有佳士早遊翰墨場素心洞千古壯氣凌八荒
被服錦繡段斟酌沆瀣漿筆花動霞彩落紙成文章
天人奏三策雲衢已騫翔平輿繼風範南靖增輝光
顧我温如玉對之良悅康人生真奈何嘉會不可常
天秋豁遠目征鴈群相將離離呼復應流韻飄風長
感物念同志執手起徬徨親昵有足樂乖違悲未央
願子留斯須更為盡一觴一觴情豈已聊復喻中腸
明朝千里隔何以慰相望勗哉善官守榮名耀無疆
公安舟中有懷戶侍黃廷獻時公使川蜀黜

陟羣吏

雙丸迭爭飛六氣不停運一別忽兩月胷中多鄙吝
惟君天下士直道不俗殉宦况千里佳德行四國順
輜車走群縣片檄制方鎮平生號知人旌別崇古訓
驪珠手中捫魚目未交混螾螭與蠱蟹搜抉無逃遁
諒惟意有在去疾莫知盡悲哉塵世間百歲等一瞬
為善彼何遲而使斯民困安得諸道使去取同公論
此輩盡有北牧養皆賢俊落日滿芳洲蘋花香作陣
晚景江上清新涼雨餘嫩小立向船頭雪嶺極天峻
願因黃鵠西啣我相思信

英雄樂曲

高廩

晉陽耀靈武江淮環甲兵狙窮虎牢靜龍奮鯨沛清
丸功奏天策七德歌延英王會有常宴囚歸無濫刑
窮髮盡編戶端冕咸登瀛三鑑已曾保十漸猶復懲
何如帷薄累千載慚辰羸

黃駘疊曲

駘駘已無種駘駘空有名晉陽興日角忽報神駒生
始識黃駘駘乃是蒼龍精雄姿自無敵逸氣誰敢撻
一鞭追電疾四足翔風輕朝離鄴城寨暮至成皋營
突圍虜心顛薄陳奸膽驚纔獻武牢捷又肅朝鮮征

寒暑苦勞頓道路愁凌兢力疲尚衛轂目瞑猶駢衡
論功未受賞念德殊傷情徹帷瘞安市圖形揭昭陵
嗟哉捐軀士白骨徒填阬

荆人得美璞

丘吉

荆人得美璞一獻遭傷夷宋人得燕石什襲琛且竒
世目始如此誰能別妍媸貞士鮮人合佞口多時宜
白雪雖大曲和之還復疑下里雖艷語學者爭來師
射御且孰執竿瑟當何持直道乃吾事毀譽從交馳

送遠行

沈周

行矣去君側去去那復留會面諒已難徘徊滋隱憂

五里臨清川十里陟崇丘轉盼路何迥馳心同水流
朔風白日暮瘖馬局遠步思君隔浮雲豈知我中露
流景不我與客鬢已非故酌彼青兕觥聊以慰末路

思遠行

露下芳艸歇寒氣薄重幃幽處心獨驚行念君子衣
君子別既久嗣音亦已稀愁來不成織空對流黃機
揮泪如泉水明燭無光輝

遇李生

李生生北方膂力務曩負顛桑弓勁如鐵輕引左右臂
短衣獵南山猛虎俱待斃官衢多騎劫一發嘗貫二

含笑擔其囊輒補酒家費小飲三百盃味薄不足睡
夜半挾金餅隔樓調隣妓橫行長安中五陵誇結義
秋暑滿溪閣解衣詫能事搥牀助談屑秉燭聽未既
衆客不敢譁懾此河朔氣座無揚開府娓娓當誰為

感懷

沈性

海客重魚目宋人寶燕石縱有希世珍肉眼疇能識
深藏顧已非賤售良可惜卞生有苦泪竊伺暗中滴
讀之公詩味其讀道書六首瀟灑出塵非夙
自閑風蓬島而來者不能出是語為次其韻

桑悅

齋居衆喧息素志在清虛玄天默無語大道那有書
金丹密授受玉笈皆緒餘遊神周八極肯被形骸拘
至貴超軒冕真樂異懽娛咀嚙明月漿屢空常晏如
塵世難縱步眷焉思十洲躡履登碣石濯纓臨弱流
折芳遺所思下樹無春秋大虛一回首歲月空悠悠
漱齒北斗下沆瀣何清凉仰望上霄府紫炁彌穹蒼
蓉城老仙伯貌古雙瞳方百年一瞬息遲我無何鄉
佳期舊僚友示我還丹道緘書寄黃鶴俯以金光草
瓊漿幾桃熟雲葉九芝老玉詔期不來晞髮丹霞杪
崦嵫山萬仞日落風淒淒雲駟駕牽牛良夜同安期

織女濯銀河，顧盼生容姿。相看不得語，步月與遐思。
至人毛幾代，上士丹九還。形神忽俱妙，千劫吹嗟間。
我獨汨塵土，青鏡凋朱顏。願借修月斤，築室二神山。

皇明風雅卷之五

皇明風雅卷之六

五言古詩三十七首

掛劍曲

李東陽

長劍許烈士，寸心報知己。死者豈必知，我心元不死。
平生讓國心，耿耿方在此。

斷絃曲

晨聽焦桐聲，夜聞斷絃音。阿女有父，資家學在一琴。
生書五經，石死給下吏。札阿女有父，能八分乃遺法。
司徒坐上嘆胡雛，別時哭阿女有父，情情鍾為誰篤。
有書何必教，有女翻為辱。君看芍藥女，一死萬事足。

讀書

新歲草木茂去陳茁其初人生天地間而與此類殊
生年日已長問學日已踈扣之無所有安用七尺軀
劉公笑歐九軼輩當何如況我所得者滄溟之一盃
躬行聖所貴記誦乃繁蕪自古識字人嗟嗟楊子雲

送李士常二首

峒峒居庸關北望上谷城道路阻且長送子百里行
肅肅朔風厲悠悠暮川平宵裝櫪馬秣午飯村鷄鳴
男兒志弧矢萍梗空縱橫懷哉父母邦况此骨肉情
相贈無長劍低頭愧友生

古人重友道君子慎其微難交乃終好苟合生禍機
與君夙傾蓋意氣兩不違但覺多畏憚愧無受益資
終然出肺腑久意不復疑我生寡知識視友如嚴師
君今豈易得棄我忽若遺往哲諒可作來日猶當追
與君各黽勉白首以為期

送徐用和之鎮原

惻惻重惻惻與君各南上昔作同人心今為遠行客
燕山望秦關道路脩且棘平生舊駉馬十步九歌側
長風吹征衣黯淡塵土色莽莽天地間胡為此行役
功名豈不念所志在憂國此意良獨知多言竟奚益

寄王丹徒公濟

美人別我來贈我冰絲絃絃直似君操絃清似君言
一彈不成調再鼓不成歡舊曲不復記離愁莽無端
山高水復遠君去何時還我琴不必工雖工向誰彈
古人知音少今人知音難

洗句亭

洗句復洗句洗句先洗心心清絕塵滓句清無哇淫
洗句尚可淺洗心須用深所用有深淺水哉何古今
有句莫太清太清寡知音知音苦不遇獨和滄浪吟

采桑玉堂陰二首答篁墩學士

采桑玉堂陰分蠶長安郭一分累百枚再分連數箔
寧知貴富地此物能沃若平生畎畝憂甞勉懷力作
嗟彼衣錦兒空言養蠶樂吳機詠濯濯周葉歌莫莫
遺我通家人同心故相託愛之敢輕棄弱女方就學
采桑玉堂陰陰濃樹婆娑一采不滿筐竟日能幾何
乃知富貴地不及窮山阿蠶成忽滿眼所得良亦多
人言繫家運或者陰陽和向非夙夜勤豈恃葉與柯
衣多必思寒吾民本同科欲將分蠶意廣被無偏頗

白雲起天末贈一中

謝鐸

白雲起天末冉冉來孤鴻我行不可遠念子心忡忡

誰無父母懷岐路限西東官家有嚴度孝理今所崇
閩山逼親舍不廢王事共古人菽水養實以輕三公
進退苟足據脫屣將奚從

桑榆晚趣送括蒼金僉憲

張泰

寒暑迭司化功成者潛徂歲晏不回駟長驅稀垣途
知止懷昔人東門歸二疏榮貴輕弊屣名聲重璫璣
今我望行塵先達去此都秋征迨故里落日在桑榆
高影集歸鳥清陰散溪魚親故候中林兒孫戲前除
俯仰足容與未釋纓綏拘未必昨日非固反茲晨愚
壯動老以息此道安可踰愧彼縻好爵空言跨五湖

金臺懷古二首

燕昭昔好士高築黃金臺卑身事郭隗賢路從茲開
豈不得幸衍樂毅乃雄才感激東破齊呼吸成風雷
信義傾諸侯其如惠王猜犇趙失神駿委師任駑駘
兵顏火牛下宿耻除復來荒哉築臺意長使後賢哀
振衣上燕臺倚劍臨易水蒼茫夕日低蕭瑟寒風起
憶昔呂秦強諸侯忍陵毀韓趙且淪歸燕丹欲何恃
厚禮遣荆軻讐秦雪餘耻壯士果不還西兵下卜里
棠陰古廟社一旦隨榛杞已矣復何嗟四海今一家

雨陣

玄天無積墨誰使雲黑色散漫起北溟須臾南極
神兵潰陣走龍鬼戰方劇破碎蚩尤旌顛倒魯陽戟
轉盼千變態靈恠殊莫測猛颶來若掀驚鳥去似擲
據勢若有響索景終莫迹崩騰海岳轉黯淡乾坤易
草昧不作雨徒懼遠行客

擬古贈施彥清二首

陸簡

思與君別來江流幾迴轉所嗟豈離闊野曠鴻鵠遠
君心壑下水君才禁中鬻宵征備明月莫嘆知音鮮
寄君來芙蓉妍枝未能選

美人隔秋水水盡復有山踟躕未敢步憂疑滿吾顏
照水曉露白渡水秋雲閑悠哉美人意息可望不可攀
兼葭發三嘆獨立蒼茫間

巖田王節婦紀

林俊

十九入君門一歲不曾滿夫君事遠征臨別意款款
鴻燕各有歸水流不復返繁華一春夢命薄遭世短
姑邊猶遺孩婦影燈長伴嫁被雙鴛鴦相隨穴中煖
巖田仇節婦紀

晴雨一轉瞬花開不常好委身事夫君百歲期長保
梅實猶未仁孤墳已青草簾前語春燕未與傷懷抱
有生終有滅值幸遲與早孤存亦夫存念之憂心擣

為植墳上松松長妾應老

山中雜詠

方向

薄雲不成雨山月有餘白月光墮尊酒照見我顏色
舊交日已遠芳時坐來歇惆悵平生懷今夕竟何夕
少宰楊先生四喜詩分題得旱故金三字

張琦

時相啓東閣張筵盛於粲七客貫魚入四座列綦昇
公若地中山隆隆匿厓岸客如水中魚刺刺忘顧憚
時天沛甘雨潢汗陡尺半庭花晚色靜蛙蛭走堪玩
天人協清歡安復問雩旱

公授七客題析楮錯分布懷歸卧第茨蜚吻詞莫措
四喜世難并一一納公戶始知相臣力可以禔神祚
強歌欲張皇何由中招獲願公均此施不獨庇鄉故
浮雲宿承宇幕幕生朝陰鳴鳩叫前除天雨來自南
我公愛井里飲酒忘戒嚴移尊即庭堦蘭玉羅森森
金屏夜氣永玉桂秋期深走也樂公樂擊節成高吟
乃知文字味可以輕千金

席上賦史異仲歸雲洞

儲罐

悠揚滿洞中歸來不知處曉起語農人春田夜多雨
却問洞中雲何時下山去

寄友

熊倬

黃雀立樹杪蒼蒲眠水腰天風歛然至雀去蒲亦搖
蒲搖會有定雀去憑誰招

送許給事中啓衷使交趾

春明發車騎合沓集川原美人使絕域相送東郭門
君去豈徒然能令中國尊

雜詩三首

李夢陽

宛宛春田鳩飛鳴柔且閑一朝化為鷹蕭蕭厲利翰
衆禽不敢並孤立秋雲端鳥旣不自知人胡究其然
絲絲谷中葛引蔓在脩楚脩楚伐為薪葛也安所附

豈無締與綌可以禦清暑烈烈嚴冬時憂君之纒絮
汎汎河上舟搖搖靡攸止我欲維此舟川廣不可浹
振振鳧與鴈棲食在波水豈不良幽冀夙心耽樂此

從軍行

棄家從上將報主掃胡戎弩滿常隨月旗翻數起風
右指昆邪盡左盼月支空馳名紫塞外開府玉關東
不逢百戰日誰識萬夫雄

少年行

白馬白如雪銀鞍耀明月騎出青雲樓揮鞭向金闕
自言事武皇出身為椒房結交樂通侯擅名鬪鷄塲

尚主復賜第軒蓋一何光被酒過都市殺人如剪蒿
左殪南山虎右斬北溟鰲昨朝兵符至單于寇臨洮
奮身出玉門殺馬繫寶刀橫行萬餘里叱咤威風起
奪馬貳師城長揖見天子調笑大將軍醉罵柱下史
生憎漢相如白首文園裏

送友二首

徐禎卿

瓜生蒿薪下綠蔓義相因人生交結故婉孌自諧親
交義諒不遠戚若同株根勿采棘下瓜棘傷多苦辛
不惜傷者苦但恐株麥分念當與子別惻惻傷我神
靡靡客行役曖曖歲云晏問子豈不勞言適故鄉縣
送子不得遠我悲一以惋借問何所悲桑梓不可見
寒裳陟高隴白日忽已暝飛鳥東西翔我思一以亂
低頭念父母涕下忽如霰

擬古二首

何景明

婉孌城東妹懷春一何早朝遊採桑陌暮止垂楊道
自矜全盛時復恃顏色好玉貌隨年化安得不枯槁
昔為園中英今為路傍草路傍多車馬採掇難自保
圓如天上月光輝尚當缺與君非一身安能不垂別
關山日悠遠舉步難可越君如雙車輪妾心如車轍
相隨萬里去繞繞何時絕

十三夜對月

閒居愛明月良節復與俱金魄照秋闈皓彩揚雲衢
澄空斂霜烟清飈蕩中區徘徊廣庭內改席臨方除
顧景怵衷慮興心念居諸天道逝消長戒之在須臾
懷謙可久安盛滿豈恒居孰云質靡盈所貴光不渝

皇明風雅卷之六

